



Inatsisartuni ilaasortaq Laura Taunajik, Siumut

§ 37 naapertorlugu apeqquteqaat: Angutit kinguaassiutitigut atornerlunneqarsimasut pillugit

30-10-2015
Sags nr.
Dok. nr. 1386008

Asasara Laura Taunajik

Postboks 260
3900 Nuuk

Qujanaq angutit meeraanermi kinguaassiutitigut atornerlunneqarsimasut pillugit katsorsarneqarsinnaanerit pillugu apeqquteqaatigisarnut.

Tlf. (+299) 34 50 00
Fax (+299) 34 66 66
E-mail: inin@nanoq.gl
www.naalakkersuisut.gl

Inersimasut kinguaassiutitigut meeraanermi atornerlunneqarsimasut tassaapput Naalakkersuisut pingaartinnerpaanut ilaatillugu suliniuteqarfigisaat.

Apeqqutigisatit pillugit ataaticut akissuteqartassaanga.

1. Angutit kinguaassiutitigut meeraanermi atornerlugaasimasut katsorsaaveqarpat?

Piffimmik aalajangersimasumik angutinut meeraanermi kinguaassiutitigut atornerlunneqarsimasunut katsorsaavimmik nunatsinni peqanngilagut. Akerlianilli nuna tamakkerlugu inersimasut meeraanermi kinguaassiutitigut atornerlunneqarsimasut kingunerisaanik atugarliuuteqartunut katsorsaasinnaasunik Angalaqatigiittartunik neqerooruteqartarluta. Taakkuami aamma angutinik katsorsaasinnaasarmata.

Angalaqatigiit pillugit sukumiinerusumik paasisaqarusukkuut quppersagaq una aqqutigalugu paasiniaanerusunnaavutit:

<http://naalakkersuisut.gl/ka/Naalakkersuisut/Naalakkersuisoqarfiit/Ilaqtariinneq-Naligiissitaaneq-Isumaginninnerlu/Ilaqtariinneq/Pilersaarutit/periusissiallu/Rejsehold>

2. Taamaassimappat qanga aallartippa?

- a. Sumut killippa?
- b. Aamma sumiippa?

Angalaqatigiittartut aallartinneqarput 2013-mi aallartinneqarput sinerissami inersimasunik (angutinik arnanillu) meeraanermi kinguaassiutitigut atornerlunneqarsimanertik pissutigalugu kingunerlutitsisunik katsorsaasarnissaq siunertaralugu.

3. Angutit meeraanermi kinguaassiutitigut kanngutsaatsuliorfigineqarsimallutik katsorsartikkumasut sumut saaffiginninnaappat?

Angutit arnallu meeraanerminni kinguaassiutitigut atonerlunneqarsimallutik kingunerlutitsisut aammalu tamanna pillugu katsorsarneqarusuttut najugaqarfigisaminni attaveqaataasumut saaffiginnissuteqarsinnaapput. Angalaqatigiittartut illoqarfimmut pineqartumut tikikkaangasa taava tassani innuttaasut ilisimatinneqartarput katsorsartikkusukkunik sumut saaffiginnissuteqarsinnaanerlutik.

4. Kinguaassiutitigut innarlerneqarsimasut maannamut ikornissamik saaffiginnissimasut qassit ilisimaneqarpat?

a. Taakkunanilu qassit maannamut ikiorneqarpat?

Angutit meeraanerminni kinguaassiutitigut atonerlunneqarsimasut katillugit 83-t Angalaqatigiit piffinni attaveqaataanut katsorsarneqaru-mallutik saaffiginnissuteqarnikuupput. Manna tikillugu saaffiginnissuteqarsimasunit 59-t katsorsarneqalereersimapput. Angutit sinneruttut 24-t suli oqaloqatigineqarsimangillat, katsorsarneqalersimangillat, katsorsarneqarnissaminnik kissaateqarsimangillat imaluunniit allatut ikiorserneqarnissaat siunertaralugu (tarnip pissusaannik katsorsaavimmut, atonerluisuunerminnut katsorsarneqarnissamut isumaginninnikkulluunniit iliuuseqarfigineqarnissamut) innersuuneqarnikuusimallutik.

Angalaqatigiittartunut katsorneqarumallutik saaffiginnissuteqarsimasut tamarmik innersuuneqarnissartik siunertaralugu oqaloqatigeqqaarneqartarput. Tamarmilli taamatut neqerooruteqartoqarneranut akuersaerneq ajorput. Ilaat katsorsarneqarnissamut tulluannngitsut naliliiffigineqartarput, tassani pissusiviusut takutittarmassuk, Angalaqatigiittartunit katsorsarneqarnissamut iluaquserneqarsinnaaner at ilimanaateqarsorinangikkaangat. Tamatumani pineqartoq arlaatigut atonerluisuusinnaavoq, taamaattumillu tamatumunnga katsorsarneqaaqqaarnissaa innersuussutigineqartarluni, aatsaallu kingorna kinguaassiutitigut atonerlunneqarsimanera pissutigalugu katsorsarneqarsinnaasarlutik. Aamma pineqartut akornanni tarnikkut katsorsaavigineqartariaqartunik nappaatillit, inersimasut taamatut nappaatillit katsorsarneqartarfiinut innersuuneqaaqqaartarput, matumanilu katsorsarneqarsinnaasaratik. Tamatuma saniatigut inuit tarnikkut atugarisatigullu imak nakkaassimatigisinnaasarput, kinguaasiutitigut atonerlunneqarsimaneritk pissutigalugu katsorsarneqarsinnaasaratik (ineqanngitsut, aningaasatigut nakkaattooqqasut, annersaasartut il.il.).

Innuttaasut Angalaqatigiinnit katsorsarneqarsinnaanngitsut allamut innersuuneqartarput.

Taaneqartut saniatigut aamma Angalaqatigiittartunut saaffiginnittoqarnikuusarpoq katsorsartikkusuttunik, taamaattorli tamatuma kingorna saaffigineqaaqqikkaangamik qisuariarneq ajortunik, tamatumani aamma tarnip nakorsaaniit allanit taamatullu piffinni attaveqaataasunut. Taakkuli oqaloqatigineqanngitsoorsinnaasarput.

Naggataatigut eqqaasinnaavara iluoornerarlugulu, ilumut angutit Angalaqatigiittartunut katsorsartikkusullutik saaffiginnissuteqarsimasut kisiat toqqammavigalugit qanoq amerlasimatigisut kinguaasiutitigut atonerlunneqarnikuusimanersut eqqoriaruminaassinnaammata. Misilittakkammi takutippaat arnanut sanilliullugit angutit piuminaaneruinnaasarmata nassuertinniassallugit kinguaassiutitigut atonerlunneqarnikuusimanerat pillugu, angutinummi pisimasut tamakku paqumigineqarnerusutut pissuseqarfigineqartarmata. Taamaattumik naatsorsuutigineqartariaqarpoq angutit Angalaqatigiittartunut saaffiginnissuteqarsimasuniit amerlanerungaatsiartut meeraanerminniilli kinguaasiutitigut innimitsaalliorfigineqarsimanissaat ilimanaateqarluarsinnaasoq.

Taamaattumik ilimagineqartariaqarpoq angutit saaffiginnissuteqarsimasut agguaqatigiissillugu arnanut sanilliullugit ikinnerungaatsiarsimassasut.

Assigiinngitsutigut katsorsaasarnerit ineriartortinneqarnerisa, tulleriarinninnerit allanngortitsisarnerit naapertuuttunngorsaanerillu kingunerisaanik naatsorsuutigineqartariaqarpoq, angutit meeraanerminniilli kinguaasiutigut atonerlunneqarsimasut pillugit arnasuulli qulakkeerinniffigineqarnissaat, aammalu anguniarneqartuartariaqarmat taakku Angalaqatigiittartunut atugarliuutigisatik pillugit katsorsartinnissaminnik noqqaassuteqartarnissaat.

Inussiarnersumik inuulluaqqusillunga

Martha Lund Olsen